

## ՀԱՇՎԵՏՎՈՒԹՅՈՒՆ

### ՓՈՔՐ ԵՎ ՄԻՋԻՆ ՁԵՌՆԱՐԿԱՏԻՐՈՒԹՅԱՆ ԶԱՐԳԱՑՄԱՆ 2020-2024 ԹՎԱԿԱՆՆԵՐԻ ՌԱԶՄԱՎԱՐՈՒԹՅՈՒՆԸ ԵՎ 2023 ԹՎԱԿԱՆԻՆ ԻՐԱԿԱՆԱՑՎԱԾ ԱՇԽԱՏԱՆՔՆԵՐԸ

2020 թվականի օգոստոսի 27-ի թիվ 1443-Լ որոշմամբ հաստատվել է Փոքր և միջին ձեռնարկատիրության զարգացման 2020-2024 թվականների ռազմավարությունը և դրանից բխող 2020-2022 թվականների գործողությունների ծրագիրը:

**Ռազմավարության նպատակ:** Ռազմավարությունը նպատակ է հետապնդում միջնաժամկետում նպաստել Հայաստանում ձեռներեցության զարգացմանը և ՓՄՁ-ների արտադրողականության բարձրացմանը:

**Ռազմավարության թիրախները:** Ռազմավարության համար առանձնացվել են հետևյալ հիմնական թիրախները.

- **Արդադրողականության աճ՝** 2021-2023 թվերի համար միջինում տարեկան 3%, իսկ 2024 թվականի համար 7.5%:

- **ՓՄՁ-ում զբաղվածների աճ՝** տարեկան միջինում 2.5 %:

**Ռազմավարության հիմնական ուղղությունները:**

ՀՀ-ում ՓՄՁ ոլորտի ուժեղացման, մրցունակության բարձրացման համար կարևորվել են հետևյալ ռազմավարական ուղղությունները՝

- 1) Ֆինանսական ռեսուրսների հասանելիության ավելացում,
- 2) ՓՄՁ սուբյեկտների կարողությունների և ձեռնարկատիրական մշակույթի զարգացում ,
- 3) ՓՄՁ սուբյեկտների համար շուկաների հասանելիության ապահովում,
- 4) ՓՄՁ զարգացման համար բարենպաստ ինստիտուցիոնալ և իրավական միջավայրի ապահովում:

### ԻՐԱԿԱՆԱՑՎԱԾ ԱՇԽԱՏԱՆՔՆԵՐՆ ԸՍՏ ՌԱԶՄԱՎԱՐՈՒԹՅԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԻ՝

#### 1. ՖԻՆԱՆՍԱԿԱՆ ՌԵՍՈՒՐՍՆԵՐԻ ՀԱՍԱՆԵԼԻՈՒԹՅԱՆ ԱՎԵԼԱՑՈՒՄ






1.1 Կառավարության 2020 թվականի մարտի 26-ի 355-Լ որոշմամբ հաստատված «Կորոնավիրուսի տնտեսական հետևանքների չեզոքացման 1-ին միջոցառում» (2022 թվականի հունվարի 27-ի 106-Լ որոշմամբ «Տնտեսության արդիականացման միջոցառում»,

**2023 թվականի մայիսի 8-ի 831-L որոշմամբ «Արտադրողականության խթանման միջոցառում»):**

Միջոցառման նպատակն է տնտեսավարողների համար ապահովել մարչելի ֆինանսական միջոցներ՝ արտադրական կարողությունները արդիականացնելու և կազմակերպության արտադրողականությունը բարձրացնելու համար:

Միջոցառման շրջանակներում նպատակային ոլորտներում գործունեություն իրականացնող տնտեսավարողների կողմից նոր/չօգտագործված մեքենա-սարքավորումների ձեռքբերման և կապիտալ շինարարության իրականացման նպատակով գործընկեր ֆինանսական կառույցների կողմից տրամադրված վարկի/լիզինգի տոկոսադրույքի 6-10% սուբսիդավորման օժանդակություն:

*Միջոցառման շրջանակներում*

-  մեկնարկից (2022 թվականի մարտ) մինչև 2023 թվականի ավարտը կնքվել է 3591 վարկային/լիզինգային պայմանագիր, որոնցից 2618-ը կնքվել է 2023 թվականի ընթացքում,
-  վարկային ընդհանուր պորտֆելը կազմել է 208.0 մլրդ ՀՀ դրամ, որից 147.9 մլրդ դրամը 2023 թվականի ընթացքում,
-  պորտֆելի 59%-ը ուղղվել է ՓՄՁ ֆինանսավորմանը,
-  2023 թվականին սուբսիդավորման գումարը կազմել է շուրջ 7.9 մլրդ դրամ,
-  տնտեսավարողների կողմից ձեռք է բերվել 6678 մեքենա-սարքավորումներ:

**ՄԻՋՈՑԱՌՄԱՆ ՊՈՐՏՖԵԼԻ ՎԻՃԱԿԱԳՐԱԿԱՆ ՏՎՅԱԼՆԵՐ**



**Լիզինգ**

Պորտֆելի 65%-ը կազմում է լիզինգ, 35%-ը՝ վարկ



**ՀՀ դրամ**

Պորտֆելի 61%-ը տրամադրվել է ՀՀ դրամով, 39%-ը՝ արտարժույթով



**ՓՄՁ**

Պորտֆելի 59%-ը ուղղվել է ՓՄՁ ֆինանսավորմանը



**Միջին պայմանագրի արժեք**

58 մլն ՀՀ դրամ, մեդիանը՝ 23 մլն ՀՀ դրամ




**Միջին տարեկան տոկոսադրույք**

Դրամային լիզինգի նախնական տոկոսադրույքը կազմել է 14.5%, որը շահառուն ստացել է 4.5%-ով՝ սուբսիդավորումից հետո

Միջոցառման շրջանակներում սուբսիդավորման ենթակա գործունեության ոլորտներն են.


- B (ԲԻ) «Հանքագործական արդյունաբերություն և բացահանքերի շահագործում» (բացառությամբ 7-րդ հատվածի)
- C (ԲԻ) «Մշակող արդյունաբերություն»
- D(ԴԻ) «Էլեկտրականության, գազի, գոլորշու եվ լավորակ օդի մատակարարում»
- F (ԷՖ) «Շինարարություն»,
- G 45.2 (ՋԻ) «Ավտոմեքենաների տեխնիկական սպասարկում և նորոգում»
- H (ԷՅՋ) «Փոխադրում և պահեստային տնտեսություն»,
- I 55 (ԱՅ) «Կացության կազմակերպում» (բացառությամբ Երևան քաղաքի վարչական սահմաններում կացության կազմակերպման գործունեություն իրականացնող տնտեսավարողների),
- J (ՋԵՅ) «Տեղեկատվություն և կապ»,
- M (ԷՄ) «Մասնագիտական, գիտական և տեխնիկական գործունեություն»,
- N77 (ԷՆ) «Վարձույթ և լիզինգ»,
- P (ՓԻ) «Կրթություն»,
- Q (ՔՅՈԻ) «Առողջապահություն և բնակչության սոցիալական սպասարկում»,
- R (ԱՌ) «Մշակույթ,զվարճություններ եվ հանգիստ» (բացառությամբ 92-րդ հատվածի):

### ՄԻՋՈՑԱՌՄԱՆ ՊՈՐՏՖԵԼՆ ԸՍՏ ՈԼՈՐՏՆԵՐԻ



Միջոցառման հիմնական թիրախային ոլորտն է մշակող արդյունաբերությունը

## ՄԻՋՈՑԱՌՄԱՆ ՇՐՋԱՆԱԿՆԵՐՈՒՄ ՁԵՎԱՎՈՐՎԱԾ ՊՈՐՏՖԵԼԻ ԲԱՇԽՎԱԾՔԸ



**1.2 Կառավարության 2020 թվականի մարտի 26-ի 355-Լ որոշմամբ հաստատված «Բարձր որակավորում ունեցող մասնագետների ներգրավման միջոցառում» (2022 թվականի օգոստոսի 4-ի 1224-Լ որոշում, 2023 թվականի մայիսի 8-ի 831-Լ որոշմամբ կատարված փոփոխություններ):**

*Միջոցառման նպատակն է բարձրացնել տնտեսավարողների արտադրողականությունը՝ աջակցելով ներգրավել բարձր որակավորում ունեցող մասնագետների:*

*Միջոցառման շահառուներ են համարվում ՀՀ տարածքում գրանցված և փաստացի գործունեություն իրականացնող առևտրային և ոչ առևտրային կազմակերպությունները, որոնք աջակցության համար դիմելու պահին նախորդող 12 ամսվա ընթացքում ներգրավել են բարձր որակավորում ունեցող մասնագետներ:*

*Միջոցառման շրջանակներում բարձր որակավորում ունեցող մասնագետ (ԲՈՈՒՄ) է համարվում այն մասնագետը, ով 30 ամսից առնվազն 12-ը ապրել է Հայաստանի Հանրապետության տարածքից դուրս և աջակցությանը դիմելու պահին համարվում է եկամտային հարկ վճարող (բացառությամբ QS համաշխարհային համալսարանների վարկանիշի (QS World University Rankings) առաջատար 50 (հիսուն) ԲՈՒՀ-երից որևէ մեկում գիտությունների դոկտորի (Doctor of Philosophy) կամ դրան հավասարեցված գիտական այլ աստիճան ունեցող ԲՈՈՒՄ-ները:*

Միջոցառման շրջանակներում օժանդակությունը՝ ԲՈՈՒՄ-ին վճարված աշխատավարձի փոխհատուցում, մասնավորապես.

- ԲՈՈՒՄ-երին վճարված աշխատավարձի և դրան հավասարեցված այլ վճարումների առավելագույնը 20%-ը, սակայն ոչ ավելի, քան ամսական 1 000 000 (մեկ միլիոն) դրամ և ոչ ավելի, քան փոխհատուցման ժամանակահատվածի համար վճարված եկամտային հարկը.
- բացառություն են կազմում դոկտորական աստիճան ունեցող ԲՈՈՒՄ-երը, որոնց դեպքում կփոխհատուցվի վճարված աշխատավարձերի և դրան հավասարեցված այլ վճարումների առավելագույնը 50%-ը, սակայն ոչ ավելի, քան ամսական 1 500 000 (մեկ միլիոն հինգ հարյուր հազար) դրամը, իսկ վերջիններիս կողմից նաև Հայաստանի Հանրապետության ԲՈՒՀ-երում դասավանդելու դեպքում հիմնական աշխատավայրի աշխատավարձի նշյալ փոխհատուցումից բացի, կփոխհատուցվի նաև բարձրագույն ուսումնական հաստատության կողմից վճարված աշխատավարձի և դրան հավասարեցված այլ վճարումների 70%-ը, սակայն ոչ ավելի, քան գումարային ամսական 2 000 000 (երկու միլիոն) դրամը:



Տնտեսավարողների կողմից ներգրավվել են 368 բարձր որակավորում ունեցող մասնագետներ:



Աջակցության բյուջեն կազմել է շուրջ 790,9 մլն. դրամ:



Աջակցություն է տրամադրվել 28 կազմակերպությունների:

### **1.3 Կառավարության 2022 թվականի հունվարի 27-ի 96-Լ որոշմամբ հաստատված «Հայաստանի Հանրապետության Վայոց ձորի մարզի Ջերմուկ համայնքում 2022 թվականի սեպտեմբեր ամսին ռազմական գործողություններից տուժած տնտեսավարողների կոմունալ ծախսերի փոխհատուցման աջակցության ծրագիր»**

Միջոցառման նպատակ էր օժանդակել 2022 թվականի սեպտեմբեր ամսին ռազմական գործողությունների հետևանքով ՀՀ Վայոց ձորի մարզի Ջերմուկ համայնքում գտնվող և գործունեություն ծավալող մասնավոր հատվածի տնտեսավարողներին:

Միջոցառման շրջանակներում շահառու էր հանդիսանում այն իրավաբանական անձը կամ անհատ ձեռնարկատերը՝

1) որը 2022 թվականի սեպտեմբերի 11-ի դրությամբ փաստացի իրականացրել է Հայաստանի Հանրապետության էկոնոմիկայի նախարարի 2013 թվականի սեպտեմբերի 19-ի N 874-Ն հրամանով հաստատված՝ Տնտեսական գործունեության տեսակների I (Այ) 55 «Կացության կազմակերպում» դասակարգչում ներառված գործունեությունը ՀՀ Վայոց ձորի մարզի Ջերմուկ համայնքում.


2) ում կողմից 2022 թվականի հոկտեմբեր-դեկտեմբեր ամիսները ներառող հաշվետու ժամանակաշրջանների համար հարկային մարմին ներկայացված ավելացված արժեքի հարկի կամ շրջանառության հարկի հարկային հաշվարկներում հայտարարագրված եկամուտը (հասույթը) չի գերազանցել նախորդ տարվա նույն ժամանակահատվածի եկամտի (հասույթի) 50 %-ը, իսկ միկրոձեռնարկատիրության սուբյեկտ հանդիսանալու դեպքում՝ 2022 թվականի հոկտեմբեր-դեկտեմբեր ամիսների ընթացքում մատուցված ծառայությունների համար դուրս գրված հաշվարկային փաստաթղթերում (այդ թվում՝ ՀԴՄ կտրոններում) արտացոլված շրջանառությունը չի գերազանցել նախորդ տարվա նույն ժամանակահատվածի շրջանառության 50 %-ը.

3) ով դիմումի ներկայացման օրվան նախորդող օրվա դրությամբ չունի 100 հազ. դրամը գերազանցող՝ հարկային մարմնի կողմից վերահսկվող եկամուտների գծով պարտավորություններ.

4) ով 2022 թվականի ընթացքում փաստացի իրականացրել է հյուրանոցային կամ հյուրատնային գործունեություն:

*Միջոցառման շրջանակներում աջակցությունը* տրամադրվել է միանվագ՝ 2022 թվականի սեպտեմբեր-դեկտեմբեր ամիսների էլեկտրաէներգիայի և գազի ծախսերի 100 %-ի չափով:

 Աջակցություն է տրամադրվել 10 տնտեսավարողների:

 Աջակցության բյուջեն կազմել է 63.206.006 ՀՀ դրամ:

## 2. ՓՄՁ ՍՈՒՔՅԵԿՏՆԵՐԻ ԿԱՐՈՂՈՒԹՅՈՒՆՆԵՐԻ և ՁԵՌՆԱՐԿԱՏԻՐԱԿԱՆ ՄՇԱԿՈՒՅԹԻ ԶԱՐԳԱՅՈՒՄ

### «ԱՔՍԵԼԵՐԱՏՈՐ #5»

- Ծրագրի նպատակն էր կանանց տնտեսական ներուժի իրացումը և այն ուղղված էր կանանց ձեռներեցության խթանմանը և աշխատաշուկայում կանանց պահանջվածության

մակարդակի բարձրացմանը՝ վերջիններիս մրցակցային առավելությունների ընդգծման միջոցով:

*Ծրագիրը բաղկացած է երկու մասից՝*

- Pre-Accelerator, որը նախատեսված է խոստումնալից սկսնակ ձեռնարկատերերի համար: Նպատակն է աջակցել ձեռնարկատերերին ստեղծել թիմեր, նվազագույն կենսունակ արտադրանք և բացահայտել հաճախորդներին: Այն կենտրոնացած է արտադրանք-շուկա համապատասխանության շուրջ մտածելակերպ և հմտություններ ձևավորելու վրա՝ որպես ձեռներեցության բարձր աճ ապահովող հիմնական սյուներից մեկը նախատեսված է սկսնակ ձեռնարկատերերի համար, ովքեր ունեն ձեռնարկատիրական գաղափար, սակայն չունեն համապատասխան գիտելիքներ:

- Accelerator-ը նախատեսված է վաղ փուլի նորաստեղծ ընկերությունների համար և հնարավորություն է տալիս ընդլայնվել և բարձր արտադրողականությամբ ձեռնարկություններ դառնալ: Այն աջակցում էր արտադրանքի շուկայական համապատասխանության, արտադրանքի շղթայի համապատասխանության, շղթայի մոդելի համապատասխանությանը, մոդելի շուկայական համապատասխանության յուրացմանը:

- *Ծրագրի շրջանակներում կազմակերպվող դասընթացը* ուներ հետևյալ ուղղվածությունները՝ բիզնես, տեխնոլոգիական, մենթորների հետ հանդիպումներ, առաջին բուժօգնություն: Դասընթացներին իրենց լավագույնս ցուցաբերած մասնակիցներին տրվել է հնարավորություն՝ ներդրողներին ներկայացնել իրենց գաղափարների, պրոդուկտի պրոֆեսիոնալ ներկայացման, բրենդի վերանայման, թվային մարքեթինգի ծառայություններից օգտվելու:


- *Սկսնակ ձեռներեցների ծրագրի շրջանակներում* թիրախ էր սահմանվել 50 մասնակից, դիմել է 225 կին ձեռներեց, ՄԱԶԾ լրացուցիչ ֆինանսավորմամբ մասնակցել են 209-ը:

Փորձնական ծրագիրը ուրվագծվել է Հարթակ#5 թիմի կողմից և իրականացվել է ISTC հիմնադրամի (Նորարար լուծումների և տեխնոլոգիաների կենտրոն) կողմից:

- *Գործող ձեռներեցների ծրագրի շրջանակներում* թիրախ է սահմանվել 50 մասնակից, դիմել է 54-ը, ՄԱԶԾ լրացուցիչ ֆինանսավորմամբ մասնակցել են 54-ը:

Փորձնական ծրագիրը ուրվագծվել է Հարթակ#5 թիմի կողմից և իրականացվել է IRIS Business Incubator-ի կողմից:

Ծրագիրը իրականացվել է ՄԱԶԾ և Աշխատանքի և սոցիալական հարցերի նախարարության հետ համատեղ:



### 3. ՓՄՁ ԶԱՐԳԱՑՄԱՆ ՀԱՄԱՐ ԲԱՐԵՆՊԱՍՏ ԻՆՍՏԻՏՈՒՑԻՈՆԱԼ ԵՎ ԻՐԱՎԱԿԱՆ ՄԻՋԱՎԱՅՐԻ ԱՊԱՀՈՎՈՒՄ՝

#### Պետություն մասնավոր երկխոսություն

Պետություն-մասնավոր երկխոսության շրջանակներում՝ կարևորելով ասոցիացիաների և գործարար միությունների կողմից բարձրաձայնված հարցերին պետության կողմից լուծում տալու կարևորությունը, 2011 թվականին ստեղծվել և արդեն 15 տարի գործում է ՀՀ փոխվարչապետին կից գործող ՓՄՁ զարգացման խորհրդը և ենթախորհրդը: 2023թթ. տեղի է ունեցել.



14 ենթախորհրդի նիստ,



5 խորհրդի նիստ,



Քննարկվել են 35 և ավել հարցեր,



Ընթացիկ ծրագրեր 20-ից ավել,



Ընդունված նախագծեր/ բարեփոխումներ- 6:



#### 4. ՄԻՋԱԶԳԱՅԻՆ ՀԱՄԱԳՈՐԾԱԿՑՈՒԹՅՈՒՆ

2023 թվականի ընթացքում քայլեր են իրականացվել միջազգային կազմակերպությունների հետ սերտ համագործակցային հարաբերությունների հաստատման և դրանց կայունության ապահովման նպատակով:

##### 4.1 ՏՆՏԵՍԱԿԱՆ ՀԱՄԱԳՈՐԾԱԿՑՈՒԹՅԱՆ և ԶԱՐԳԱՑՄԱՆ ԿԱԶՄԱԿԵՐՊՈՒԹՅՈՒՆ (OECD)

Էկոնոմիկայի նախարարության և Տնտեսական համագործակցության և զարգացման կազմակերպության (OECD) կողմից կատարվել են հետևյալ աշխատանքները.

- 2022-2023 թթ. աշխատանքներ են տարվել 2024 թվականի ՓՄՁ քաղաքականության ինդեքսի (SME Policy Index 2024) մշակմանն ուղղված հարցաթերթի լրացման ուղղությամբ:
- Էկոնոմիկայի նախարարության և Տնտեսական համագործակցության և զարգացման կազմակերպության (OECD) կողմից կազմակերպվել է աշխատանքային հանդիպում, որի շրջանակներում քննարկվել է Հայաստանում ՓՄՁ-երի թվային փոխակերպման առաջխաղացումը (Advancing the digital transformation of SMEs in Armenia):
- 2023 թ-ի հունվար ամսից մեկնարկել են 2024թ-ի ՓՄՁ քաղաքականության ինդեքսի մշակման աշխատանքները՝ Արևելյան գործընկեր երկրների փոքր բիզնեսի ակտի (SBA) չորրորդ փուլի գնահատման աշխատանքների շրջանակներում, որոնք ընթացել են 5 աշխատանքային փուլերով՝ հարցաթերթի լրացում, աշխատանքային հանդիպում, նախնական արդյունքների ներկայացում և լրացում, բիզնես ակտի նախնական աշխատանքային տարբերակի ներկայացում, արդյունքների ամփոփում: 2024թ-ի ՓՄՁ քաղաքականության ինդեքսը հիմնված է հիմնական հինգ թեմատիկ սյուների շուրջ (պատասխանատու Կառավարություն, ձեռներեցություն և մարդկային կապիտալ, ֆինանսական հասանելիություն, շուկաների հասանելիություն, արտադրողականություն և նորարարություն): Չորրորդ հրատարակության մեջ ներառված է նաև թվային տնտեսությանն, ինչպես նաև ՓՄՁ-երի թվայնացմանն աջակցող քաղաքականության վերլուծությունը:
- 2024թ-ի ՓՄՁ քաղաքականության ինդեքսի մշակման աշխատանքների շուրջ կազմակերպվել է 3 աշխատանքային քննարկում՝ ներառելով բոլոր շահագրգիռ գերատեսչությունների, աջակից միջազգային և տեղական կազմակերպությունների

ներկայացուցիչների, փորձագետների, իսկ հունիսին՝ ՏՀԶԿ-ի գրասենյակում՝ Փարիզում Արևելյան գործընկեր երկրների SBA շահագրգիռ կողմերի տարածաշրջանային հանդիպման շրջանակներում ներկայացվել է Արևելյան գործընկեր երկրների փոքր բիզնեսի ակտի (SBA) չորրորդ փուլի նախնական գնահատման արդյունքները, իսկ դեկտեմբերին ներկայացվել են ամփոփիչ արդյունքները, որոնք հրապարակվել են նաև OECD պաշտոնական կայքում:

<https://www.oecd.org/countries/armenia/sme-policy-index-eastern-partner-countries-2024-3197420e-en.htm>

#### **4.2 2022/2023 ԳԻՏԵԼԻՔԻ ՓՈԽԱՆԱԿՄԱՆ ԾՐԱԳԻՐ (KOREAN SHARING PROGRAM (KSP))**

2022/2023 Գիտելիքի փոխանակման ծրագրի (Korean Sharing Program (KSP)) ծրագրի շրջանակներում ՀՀ Էկոնոմիկայի նախարարությունը ՓՄՁ ոլորտի զարգացման նպատակով դեռևս 2022 թվականից սկսել է «Հավաստագրման համակարգի օգտագործումը նորարարական ՓՄՁ-ների բացահայտման և խթանման համար» ծրագիրը, որի իրականացումը կնպաստի ՀՀ տնտեսության կայուն և ներառական զարգացմանը նպաստող նորարարական և մրցունակ ՓՄՁ-ների ձևավորման և զարգացման համար բարենպաստ միջավայրի ձևավորմանը:

Ծրագրի արդյունքում կորեական կողմը երեք անգամ հյուրընկալվել է՝ ՀՀ Էկոնոմիկայի նախարարության կողմից, այցելություններ են կատարվել նորարարական լուծումներ առաջարկող կազմակերպություններ, արտադրական գործընթացներում նորարարական համակարգեր կիրառող ՓՄՁ-եր, հանդիպել շահագրգիռ կազմակերպություններ հետ, որոնք աջակցում են ՓՄՁ-երին՝ նոր ստարտափների հիմնման գործում:

Հայկական պատվիրակությունը մայիսին մեկնել է Կորեայի Հանրապետության Սեուլ քաղաք, մասնակցել է Գիտելիքների փոխանակման ծրագրի (KSP) միջանկյալ հաշվետվությանը, աշխատաժողովին և փորձի փոխանակման ծրագրին:

Հանդիպումների ընթացքում քննարկվել են համագործակցության ուղղություններ նորարար ՓՄՁ-ների բացահայտման և խթանման սերտիֆիկացման համակարգի ներդրման, նորարարական և բարձր աճ ապահովող ՓՄՁ-երի վարկային երաշխավորությունների համակարգի ներդրման, սկսնակ գործարարների երաշխավորությունների, տեխնոլոգիաների առևտրայնացման, վենչուրային ֆոնդերի ստեղծման հարցերի շուրջ:

Գիտելիքների փոխանակման ծրագրի (KSP) շրջանակներում կորեական կողմը հայ փորձագետների հետ մշակել և ՀՀ կառավարությանն է առաջարկել նորարարական ՓՄՁ-երի նույնականացման երեք սխեմաներ 1՝ սկսնակ գործարարության փուլում գտնվող (վենչուրային կամ R&D տիպի) և 2՝ աճի փուլում գտնվող (տեխնոլոգիապես և կառավարչական նորարար) ՓՄՁ-երի հավաստագրման համակարգեր:

Ծրագիրը իրականացվել է Կորեայի Էկոնոմիկայի և ֆինանսների նախարարության (MOEF) և Կորեայի զարգացման ինստիտուտի (KDI) կողմից: Այն խորհրդարկական նախագիծ է, որը կոչվում է Գիտելիքների փոխանակման ծրագիր (KSP), որի շրջանակներում համագործակցում են գործընկեր երկրների հետ քաղաքականության հիմնական ոլորտներում՝ կիսվելով Կորեայի առանձնահատուկ զարգացման գիտելիքներով և փորձով և առաջարկում է համապարփակ քաղաքականության խորհրդարկություն՝ հարմարեցված գործընկեր երկրների կարիքներին, որոնք ներառում են խորը վերլուծություն, քաղաքականության խորհրդարկություն և կարողությունների զարգացման հնարավորություններ: